

Odjeljenje za stručne i administrativne poslove, Pododjeljenje za podršku MZ, NVO, UG i rad s mladima zaprimilo je od Odjeljenja za evropske integracije i međunarodnu saradnju –

Poziv za nevladine organizacije za dostavljanje projektnih prijedloga

MATRA je dio Nizozemskog fonda za regionalna partnerstva (NFRP) koji pruža podršku sadašnjim i potencijalnim kandidatima za članstvo u EU u nastojanjima da ispune uslove potrebne u procesu pristupanja EU.

Cilj MATRA programa je doprinijeti društvenoj transformaciji koja vodi ka održivom odnosu između vlasti i građana u oblastima demokracije, vladavine prava i ljudskih prava, koristeći nizozemska iskustva gdje je to moguće.

U skladu s ovim ciljem, pruža se podrška organizacijama civilnog društva kako bi se kroz projekte zasnovane na potrebama (demand-driven) promovirao konstruktivan dijalog između vlasti i civilnog društva. Namjera je povećati odgovornost i transparentnost vlasti u BiH, uticati na politike i zakonodavstvo i/ili pratiti njihovu provedbu u sljedećim oblastima:

- Vladavina prava, uključujući reformu pravosuđa i javne uprave te borbu protiv korupcije i organizovanog kriminala,
- Poštovanje ljudskih prava i osnovnih sloboda, s posebnim fokusom na branitelje ljudskih prava, jednaka prava LGBTIQ+ osoba te slobodu i uvjerenja,
- Sloboda izražavanja i nezavisni mediji, uključujući sigurno okruženje za novinare u tradicionalnim i digitalnim medijima,
- Socijalne i ekonomske reforme u kontekstu puta Bosne i Hercegovine ka pristupanju EU,
- Stabilnost i sigurnost, s fokusom na migracije, borbu protiv terorizma i suzbijanje nasilnog ekstremizma.

Sljedeće aktivnosti i vrste projekata ne mogu se financirati kroz MATRA:

- Projekti koji se odnose na teme koje nisu gore navedene,
- Projekti s pretežno akademskim fokusom, tj. istraživanja i studije izvodljivosti,
- Projekti koji u velikoj mjeri ili isključivo podrazumijevaju isporuku robe ili materijala,
- Infrastrukturni ili građevinski projekti,
- Stipendije ili obrazovni programi,
- Humanitarna pomoć,
- Projekti koji su prvenstveno nastavak prethodnih ili tekućih projekata finansiranih kroz MATRA ili od drugih donatora.

MATRA je otvorena za prijave lokalnih nevladinih organizacija.

Ambasada Kraljevine Nizozemske početkom godine objavljuje MATRA otvoreni poziv za dostavljanje projektnih prijedloga. Prijave se mogu podnositi nakon objave poziva u dva kruga (1. krug do 1. aprila; 2. krug do 1. augusta). Dostavljeni prijedlozi biti će ocijenjeni u roku od 6 sedmica.

Prijedlozi se moraju dostaviti elektronskim putem (u Word, ODF ili Excel formatu), sadržavati naziv(e) podnosioca prijave, datum i biti potpisani od ovlaštene osobe iz organizacije koja ima krajnju odgovornost. Prijedlozi moraju biti napisani na engleskom jeziku i poslani na: sar-ea@minbuza.nl

Za sve dodatne informacije možete kontaktirati gđu Leilu Fetahagić ili gđu Viktoriju Ružičić iz Ambasade Kraljevine Nizozemske na: leila.fetahagic@minbuza.nl i viktorija.ruzicic@minbuza.nl, uz slanje elektronske kopije na sar-ea@minbuza.nl.

Kompletan poziv s prijavnim obrascima možete pronaći na www.netherlandsandyou.nl.